



Pou Piblikasyon Imedya: 07/09/2023

GOUVÈNÈ KATHY HOCHUL

GOUVÈNÈ HOCHUL SIYEN LEJISLASYON POU ELAJI AKSÈ AK OPÒNITE NAN FONKSYON PUBLIK LA

Lejislasyon (S. 5486/A. 6855) egzije pou yo pibliye anons egzamen fonksyon piblik yo bay (BOCES), distri lekòl yo, kolèj piblik yo, inivèsite piblik yo, distri sèvis sosyal lokal yo, epi, nan limit ki posib, bay pwogram fòmasyon travay yo

Lejislasyon (A. 7155/S. 5494) pèmèt anplwaye pwovizwa yo kredite sèvis pwobasyon pa yo nan nenpòt tan pwobasyon ki obligatwa pou yon nominasyon pèmanan nan menm tit la

Gouvènè Kathy Hochul te siyen jodi a de seri lejislasyon pou elaji aksè ak opòtinite nan fonksyon piblik la. Lejislasyon (S. 5486/A. 6855) egzije Depatman Fonksyon Piblik (Department of Civil Service, DCS) la ak komisyon fonksyon piblik minisipal yo pou yo pibliye anons egzamen fonksyon piblik yo bay Konsèy Sèvis Edikatif Koperativ (Boards of Cooperative Educational Services, BOCES), distri lekòl yo, kolèj piblik yo, inivèsite piblik yo, distri sèvis sosyal lokal yo, epi, nan limit ki posib, bay pwogram fòmasyon travay yo. Lejislasyon (A. 7155/S. 5494) egzije pou nenpòt tan ke yo pase kòm yon anplwaye pwovizwa dwe konte nan manda pwobasyon yon anplwaye lè yo resevwa yon nominasyon pèmanan nan menm tit la. Gouvènè a te siyen lejislasyon an nan Albany nan kad yon arè nan Toune an Otobis pou "Pèsonèl ki Devan Liy lan" (Staff the Front Lines) ki nan Federasyon Anplwaye Eta, Konte, ak Anplwaye Minisipal Etazini (American Federation of State, County, and Municipal Employees, AFSCME) an ak Asosyasyon Anplwaye Fonksyon Piblik (Civil Service Employee Association, CSEA) ansanm ak Prezidan AFSCME, Lee Saunders, ak Prezidan CSEA, Mary Sullivan.

"Lejislasyon sa a pral ede ranfòse kanalizasyon fonksyon piblik la, sa ki pèmèt plis Nouyòkè reponn ak apèl pou rantre nan mendèv piblik nou an", **Gouvènè Hochul te deklare.** "Fonksyonè piblik New York yo se motè ki fè eta nou an bouje, epi soti nan plan istorik nou an pou ogmante salè minimòm lan ak endekse li sou enflasyon an nan inisyativ nou ki ofri 12 semèn konje parantal ki totalman peye bay plis pase 150,000 travayè eta, administrasyon mwen an pran angajman pou onore kontribisyon yo epi pou konstwi yon mendèv modèn ki pare pou satisfè bezwen eta nou an. Mwen remèsyé sipòtè pwojè lwa yo pou patenarya yo nan ede atire travayè ki pi bon ak pi briyan yo nan New York, epi mwen pral kontinye travay ak gwoup tankou AFSCME ak CSEA pou

asire ke fonksyonè piblik k ap travay di nou yo gen aksè, avantaj ak pwotection yo merite."

Lejislasyon (S. 5486/A. 6855) egzije Depatman Fonksyon Piblik (Department of Civil Service, DCS) la ak komisyon fonksyon piblik minisipal yo pou yo pibliye anons egzamen fonksyon piblik yo bay Konsèy Sèvis Edikatif Koperativ (Boards of Cooperative Educational Services, BOCES), distri lekòl lokal yo, kolèj piblik yo, inivèsite piblik yo, distri sèvis sosyal lokal yo, epi, nan limit ki posib, bay pwogram fòmasyon travay yo. Enstitisyon sa yo ta gen dwa enskri tou pou notifikasyon elektwonik pou egzamen yo.

Lejislasyon (A. 7155/S. 5494) egzije pou nenpòt lè yon anplwaye piblik pase nan yon tit pwovizwa konte nan nenpòt peryòd tan pwobasyon obligatwa ke anplwaye a dwe sèvi lè yo vin yon anplwaye pèmanan nan menm tit la.

Senatè Eta Robert Jackson te deklare, "Antanke yon sipòtè fyè lejislasyon enpòtan sa yo, mwen selebre angajman nou pou fòtifye chemen fonksyon piblik la ak pwolonje yon envitasyon ouvè pou tout Nouyòkè yo pou yo rejwenn fonksyonè piblik devwe nou yo. Fonksyonè piblik nou yo se eleman vital eta nou an, epi n ap ekipe yo ak zouti ki nesesè yo. Mwen remèsyé Gouvènè Hochul dèské li siyen pwojè Iwa enpòtan sa yo. Nou pa jis ap adopte Iwa; n ap trase wout la pou yon fonksyon piblik ki pi solid, ki pi enklizif—yon mendèv modèn ki pwospere."

Manm Asamble Stacey Pheffer Amato, te deklare, "Anplwaye piblik yo se kolòn vêtebral Eta nou an. Gouvènè Hochul ki siyen pwojè Iwa sa yo pou yo vin Iwa asire ke nou ap fè Eta nou an avanse nan kreye ekite nan mendèv nou an, pandan y ap pwomouvvwa opòtinite pou gwo karyè. Ansanm, n ap fè li klè ke anplwaye piblik nou yo ak fanmi yo, gason ak fanm etonan k ap travay pou Eta nou an, jwenn sipò."

Prezidan CSEA a, Mary E. Sullivan, te deklare, "Inisyativ Anplwaye ki Devan Liy yo te kòmanse pa AFSCME ak filyal li yo ki mete aksan sou bezwen pou rekrite travayè sektè piblik yo non sèlman isit nan New York, men nan tout peyi a. Kòm nou tout te wè, mendèv sektè piblik la te redwi ak desime depi kèk tan epi kounye a sa dwe chanje. Pou premye fwa depi lontan, nou gen yon Gouvènè ki rekonèt gwo bezwen sa a epi ki pare pou rekonstwi mendèv piblik la. Nou kanpe ak fyète ak Gouvènè Hochul ak Prezidan AFSCME Lee Saunders jodi a kòm patnè nan kad efò enpòtan sa a. Nou remèsyé ou pou angajman fèm ou anvè anplwaye piblik yo ak sendika nou an."

###